



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Parallelia Geographiae Veteris Et Novae**

Parallelia Geographica Italiae Veteris Et Novae

**Briet, Philippe**

**Parisiis, 1649**

Nvm. 2. De Anamanis.

**urn:nbn:de:hbz:466:1-13120**

## 554 DE ANTIQVA ITALIA,

Paulus Diacon. Longob lib. 2. cap. 16. à colligendis legumini-  
bus, quorum ferax hæc regio, nomen habere putat.

MORES. Fortes sunt & minus otiosi, quia colunt effictum so-  
lum; & sterile, Diodorus Siculus lib. 4. Mulieres in primis laboriosæ,  
cuius assert exemplum idem, & Posidonius apud Strabonem, de  
parturiente, quæ non nisi emissæ à conductore, cessauit ab opere.  
*Strabo* ait eos viuere è rē pecuariâ, & lacte, atque hordeaceo po-  
tu se sustentare. Patientissimi laborum describuntur, vnde *Liuius*,  
*Ligures durum in armis genus*; & *Maro* 2. *Georg.* *Affuetumque malo*  
*Ligurem.* Fallaces quoque depinguntur à *Virgilio*, & *Claudiano*.  
Itēmque apud *Seruum* à *Catone* 2. *Originum*, vbi & mendaces, &  
illiterati dicuntur.

FINES Ligurum quidam ad Rhodanum Fl. le Rhoſne, extende-  
runt; ita Scyllax; & qui haec tenus prodit sub nomine Heracleo-  
tæ Scymnus eosdem Ligures usque ad Antium promouet, vbi  
emendandum est *Arnum* pro *Antio*. Certè à plerisque Luca & Pi-  
ſæ in Liguribus collocantur, & Apuani Ligures ad Arnum flu-  
uium promoti sunt, qui olim Tusciæ terminus erat atque Liguriæ.  
Augustus Liguriæ finem voluit esse Macram amnem, *Magra*, ut  
discimus ex Plinio, qui deinceps à Geographis hic fixus est. Silius  
Italicus poëticè Liguriam promouet ad lacum Trasimenum le lac  
de Perouse; transcendent etiam aliquando Apenninum, ut ex Noti-  
tiâ Imperij, & sequente paragrapho videbitur.

## N V M. 2. De Anamanis.

NOMEN & ORIGO. Dicti sunt aliter *ANANES*, & *ANAMAS*-  
RES. Quinam autem hi fuerint etiam diuinare non potuit callidissi-  
mus in hac arte Cluuerius; is credidisset eos esse Ambarros, nisi  
aliunde nouisset Ambarrosum cum aliis in nomen Insubrium trans-  
fuisse. Amici & socij Romanorum extitere, quare in eorum agro  
Placentia Colonia facta est.

FINES. Ab occasu fluvio Varusa Versa à Liguribus separantur,  
alij Tidonem Fl. assignant, ut Cluuerius, *Tidone*, cui subscribi-  
mus: ab ortu Taro fluvio Taro diuiduntur à Boiis; à Meridie Apen-  
nino à Liguribus: denique Pado ad Septentrionem à Lœuis, & Ce-  
nomanis.